

MAYORDOMIA I MISHON



Lès 11 pa
Sèptèmber 12, 2026

" Pasombra boso konosé e grasia di nos
Señor Hesu-Kristu, ku ounke E tabata
riku, sinembargo pa boso motibu El a bira
pober, pa boso dor di Su pobreza lo por
bira riku " (2 Korintionan 8:9)



Mayordomia ta e manera den kual un persona ta manehá loke a wòrdu poné den nan kuido.

Den e konteksto di Pablo su di dos karta na e Korintionan, mayordomia ta referí na un proyekto spesífiko di e apòstel: ku e iglesianan Gentil ta kolektá sèn pa yuda e Iglesia na Jerusalèm, kual tabata pasando dor di tempunan masha difisil.

E Korintionan ya kaba a comprometé pa yuda, i e tempu tabata aserkando ora ku e kompromiso ei mester wòrdu poné den akshon. E iglesianan di Masedonia ya kaba a kuminsá partisipá. Pablo no tabata interesá den e kantidat di sèn involví , pero mas bien den e motivashon i entusiasmo ku kual e kreyentenan lo partisipá den e oportunitat aki pa respondé na e grasia ku nan a risibí.



Origen di mayordomia:



E ehèmpel di Hesus



E kontestashon na e grasia risibí



Kon pa praktiká mayordomia:



Planiamentu apropiá



Un aktitut korekto



Resultadonan di mayordomia:



E unidat di e iglesia





ORIGEN DI MAYORDOMIA

E EHÈMPEL DI HESUS

" Pasombra boso konosé e gracia di nos Señor Hesu-Kristu, ku ounke E tabata riku, sinembargo pa boso motibu El a bira pover, asina ku dor di Su pobresa boso lo por bira riku."
(2 Korintionan 8:9)

Kiko ta e relashon entre Dios Su gracia i generosidat? (2 Kor. 8:1-2)

Dios a duna Su gracia na e iglesianan di Masedonia, i nan " a subi(rebosá) den generosidat riku " (2 Korintionan 8:2 NIV). Y esaki ta e gracia di Hesus pa nan, i pa nos:



Y El a hasi tur esaki pa motibu di amor pa nos! (Juan 15:13; Efesionan 5:2; Galationan 2:20 ; 1 Juan 3:16).
Kon nos lo respondé na e gracia di Hesus? " Pòrnada boso a risibí, pòrnada boso mester duna " (Mat. 10:8).

Ounke E tabata riku, El a bira pover
(2 Korintionan 8:9)



El a bandoná Shelu pa biba riba Tera



El a stòp di goberná e Universo pa bira un karpinté



El a bandoná un lugá seif pa biba den teritorio di enemigu



El a kambia e korona real pa un korona di sumpiña



E KONTESTASHON NA E GRASIA RISIBÍ

“ Y nan a pasa limité di nos antispashonnan: Nan a duna nan mes na promé lugá na Señor, i despues segun e boluntat di Dios tambe na nos ” (2 Korintionan 8:5)

Opservá e Masedonianan su kontestashon na gracia:



Nan a risibí e gracia di Hesus (2 Kor. 8:9)

Nan a duna nan mes na Hesus (2 Kor. 8:5)



Nan a roga pa e privilegio di yuda otronan (2 Kor. 8:4)

Den nan pobresa, nan a duna mas ayá di nan abilidad (2 Kor. 8:2-3)

Kiko esaki ta siña nos?

Gratitut pa Dios Su gracia (2 Kor. 9:15)

Hesus a duna tur kos pa nos. Nos gratitut ta wòrdu mustrá den e deseo pa duna nos mes completamente na djE.

Deseo pa kompartí Dios Su bendishonnan (2 Kor. 9:11a)

Nos ta duna na otronan pasombra nos a risibí promé for di Dios

Amor sinsero (2 Korintionan 8:24)

Generosidat ta evidensia ku amor ta biba den nos kurason





KON PA PRAKTIKÁ MAYORDOMIA

PLANIAMENTU APROPIÁ

"Kada un di boso lo mester duna loke boso a disidí pa duna den boso kurason, no inboluntariamente òf bou di obligashon, pasombra Dios ta stima un dunadó alegre." (2 Korintionan 9:7)


Pablo su plan proponé tabata pa kolektá un ofrenda speshal for di e iglesianan di Masedonia i Akaya (e provinsia kaminda Korinto tabata lokalísá) pa yuda e iglesia na Jerusalèm (Rom. 15:26).

Ora ku e apòstel a proponé e plan na Kolosas un aña mas tempran, esaki a wòrdu risibí entusiasamá, ounke ningun metanan spesífiko a wòrdu poné na e tempu ei (2 Kor. 9:1-2). Sinembargo, kada mienbro a disidí den su kurason pa duna un kantidat spesífiko (2 Kor. 9:7a).

Ora ku ta planea e ofrenda, kada famia mester evaluá su mes i pone metanan realístiko, di akuerdo ku su kondishon finansiero.



Un otro ounto ku Pablo ta inkluí den su plan ta ku nan no mester warda pa entregá tur kos na mes momento, pero mas bien pone un banda un tiki kada siman te ora ku nan yega e kantidat proponé (1 Kor. 16:2). Di e manera aki, ora ku Pablo yega, e kolekshon completo por wòrdu rekohé gososamente (2 Kor. 9:3-5).



UN AKTITUT KOREKTO

" Pasombra mi ta duna testimonio ku nan a duna mes tantu ku nan tabata por, i asta mas ayá di nan abilidad. Kompletamente riba nan mes " (2 Korintionan 8:3)

Pa enkurashá e Kolosensenan su generosidat, Pablo ta duna nan e ehèmpel di Masedonia. Den e iglesianan ei, e rumannan a musta un aktitut apropiá i ehemplar den duna nan ofrendanan, pasombra nan a duna...

**Ku goso
(2 Kor. 8:2a)**

Nan a sinti kontentu pa ta kapas pa duna

**Ku generosidat
(2 Kor. 8:2b)**

Nan pobresa no tabata un opstákulo

**Ku plaser
(2 Kor. 8:3)**


Nan a hasi esaki boluntariamente i spontániamente

**Komo un privilegio
(2 Kor. 8:4)**

E akto aki a permit nan pa musta nan amor pa Dios i e iglesia

**Komo un akto di konsegrashon
(2 Kor. 8:5)**

Su deboshon na Dios a resultá den su deboshon na otronan






RESULTADONAN DI MAYORDOMIA

E UNIDAT DI E IGLESIA

“ Pasombra e atministrashon di e servisio aki no ta solamente suminstrá(proveé) e nesesidatnan di e santunan, pero tambe ta abundá dor di hopi gradisimentunan na Dios. ”
(2 Korintionan 9:12)

E ofrenda ku a wòrdu hibá na Jerusalèm tabatin otro efektonan positivo (2 Kor. 9:12).

Hudiunan i Gentilnan tabata mará huntu dor di enlasenan di yudansa i gratitut (Rom. 15:26-27). Di e manera aki, e apòstel su meta final a wòrdu lográ: unidat den e iglesia.



Un otro efekto positivo ta ku e manera ku e ofrenda a wòrdu manehá(tratá) tin un lès speshal pa nos awe: tur kos mester wòrdu hasí na un moda na ordu, i siguiendo e proseduranan korekto.

Pablo a apuntá Tito pa vigilá e kolekshon, i e iglesianan a apuntá(nombra) rumannan pa asistié den e tarea aki (2 Kor. 8:16-24). No tabatin ningun otro manera apropiá pa kolektá i manda e ofrenda na Jerusalèm.



Iglesia
lokal



Konferensia
/Mishon/
Union



Divishon



Asosiashon
General

“ Dios Su obra mester wòrdu sostené dor di diesmonan i regalonan i ofrendanan. Señor awor ta yama pa e medionan ku El a konfia na Su mayordomonan. [...]

Señor Hesus ta rekerí nada mas for di Su siguidónan ku loke E mes a ehekutá. Esnan kende ta praktiká nengamentu propio i sakrifisio propio pa e kousa di Dios ta meramente siguiendo Su ehèmpel. El a kita Su ropa real i korona real, i a baha for di Su mandato haltu. El a bira pober, asina ku dor di Su pobresa nos lo por bini den poseshon di e tesoronan etèrno. E no a duna solamente Su rikesanan, pero Su propio bida den nengamentu propio i sakrifisio propio, asina ku E lo por kita kada strobashon for di esnan kende ta buska un entrada den e reino di Dios.

[...] Señor Hesus ta invitá nos pa bira trahadónan huntu kunE. E ta e doño di i tin demandanan riba tur loke nos ta poseé. Dor di nos boluntat pa yuda den Su trabou, nos lo por mustra awor nos amor p'E. ”